

穆

堂

初

稿

穆堂初稿卷之八

臨川 李 紱 巨來

瀛洲亭草二

閏五日國史館下直儲中子招同惠天牧小飲次中子

韻

金鋪日昃影初涼晚出蓬山笑語香未要綵絲重宛轉肯
尋蘭沐獨摧藏同人健筆追遷固異事冥搜到雅蒼有
酒劇憐能折簡共君痛飲論文章

黃蜀安榴爛熳開驚心節物付深杯齊年友似屏風出
銷夏人欣舊雨來史氏秘書依日月天家大業紀雲雷

館中後進知誰是肯待河東柳子催

十年懷古意涼涼愁坐空思醉碧香異地論交同臭味
中材涉世漫行藏置身共喜窺華密束髮相看到老蒼
獨媿單門參二美直廬相對幾周章

悠悠懷抱向誰開重見昌陽泛酒杯人喜素交投轄住
詩驚先得奪幬來耽吟看過花磚日欲和慙鳴瓦釜雷
惆悵一枝棲未穩幾回敗興僦租催

聞道薰風殿閣涼東華騰踏輭紅香良辰去惜千金擲
好友歸謀斗酒藏直下相看同汲汲醉中仰視只蒼蒼
大書倘得煩諸老律歷吾將志閩章

幾日能逢笑口開
敢辭戶小不勝杯
青陽逐物堂堂去
白髮侵人忽忽來
衣汗坐深過夏雨
車聲聽熟殷晴雷
故園舊有吾廬在
不待山中猿鶴催

醉歸復次前韻簡中子

醉歌轉覺興悲涼
惟有胸中書傳香
自喜交遊同寂寞
肯將富貴作昂藏
壯心久謝眉間尺
危齒難憑柱下蒼
功德言猶堪不朽
與君同約法三章

攢眉知待幾時開
佳節重逢共一杯
我醉上車猶不落
何當騎馬共重來
流連光景魚兼鳥
逗撓歡場雨送雷
此意知君最難得
年華日夜向人催

裴公子奉其母夫人南歸特於郊西九天廟候送記憶
庚寅仲冬與戶部裴君饒客於此因訂姻好今未三
年君既旋逝君女亦未歸而卒悵然成詠

婚媾言從此地成回頭淒絕寸心驚崔家金盃猶零落
不獨思君恨未平

幙影鐘聲午荒殘牆陰斧屋早秋寒好知幻化尋常甚
只作天涯聚散看

查浦前輩移居西崖院長貽以長句敬次元韻

束髮交期老更親蓬萊關下兩仙人卜居許雒終何定
旅食京華又幾春回首夕陽相望切關心舊雨獨來頻

異時張陸成佳話讓木廉泉自結鄰

詞塲風雅卅年親臺省諸公盡故人毫翰縱橫銷白日
鈞樞十九照青春漫誇許史吹笙急祇愛張樊考道頻
傳語外間應不解陶陶永夕更誰鄰

廣厦千間未可親空看白棟修豪人共居珠桂長安地
幾醉梨花故里春南郭連牆通謁寡尹生十反去來頻
自知寶樹慙諸謝難接芬芳孟氏鄰

京國茫茫各自親萍飄萬點海中人偶緣風水相遭處分
得煙山不朽春夜逕月明還共照舊巢燕子故來頻相
望無幾牛鳴地真信天涯卽比鄰

題課孫圖

一卷遺經尚可溫百年喬木舊家存
憑君莫笑莊生幻副墨應傳雜誦孫

姚察當年訓漢書空山風雨竟何如
阿班異日能傳業始信分甘意已疎

經學知須幾輩窮抱孫抱子得毋同
展圖共愛張憑好莫效蒼梧戲乃翁

煙月平山典會磯鑑湖還把釣絲從
方干好句誰傳得聽誦空城雨翳鐘

送周歌載之蜀

六月信樓樓長安一尺泥倂憇同殢北飄泊忽征西劍
閣分雲脊蠶叢勒馬蹄煩君訪遺老一過浣花溪
生事因人困能辭作遠遶羈棲皆蜀道客舍是并州去
日滄江晚歸心自帝秋王陽方在位不用悵淹留
七夕飲王禊亭同年寓齋

招伴高樓望江山隱曲屏巧如爭昨夜幻正仰中亭樓
羽波頻狎離歌酒共聽幾憐葵萼冷鷗聚總浮萍
宴語蕭齋永還原悟忍迷陳詞抽宿莽縱腕射虹霓花
綻當霞艷瓜翻到雨低天孫難與巧斜月耿金閨
雨中默經同壇長趾肇中子天牧湘芷寧先覲文

積陰過連旬彌望何迢迢殷勤晴日餘經畚培根苗人
生有素業况乃崇久要所守偶不固外物來相遙蓬壺
諸散仙徘徊永一條猶思佐禮樂

雅化登咸韶羲象首六籍微言難宣昭默成比囚蒙坐使
長夏銷娟娟發叢蕤嚶嚶鳴孤蜩烏用繫我駒於焉永
今朝書成糾脫誤一笑破寂寥餘力闕吟咏意慊俊超
遙何人醒而在毋乃蓋寬饒雄辨出鉛鋒驚電迴衝飈
四座逸興發凌雲方飄飄還思離索日虛堂閉清蕭
次第巨州不寐四首韻詩巨州不得與禮聞試

赤芾青衫一例寒燈前慷慨起相看憐君邸舍空半落

似我官場亦汗漫

江右才名伯仲間爭傳瑣子骨珊珊我辭分校君空返
明月清風屬雨間

記逐南宮最後塵五年舊夢尙如新生憎大乙曾經擲
好作重來第一人

偶然一第本尋常碧澗紅泉在故鄉他日西堂夢春草
期君觴咏莫相忘

次六弟中秋對月韻

節物燕臺又雨秋楚天詞客怨高丘瓊樓玉宇清寒甚
酒罷難爲擲杖遊

欲尋鄰酒佐清華稚子逡巡未肯賒却憶團圓真樂事
天涯兄弟共思家

鹿鳴宵雅奏笙簧按劍何人惜夜光莫望明河嫌小頓
秋風萬里路初長

笑口長安月幾開愁腸佳節亦縈迴與君得酒須成醉
富貴浮雲只儻來

兒源北來七弟巨山以詩送行併用見懷次韻寄答
古人重立身道行名亦揚或處在山林或出升廟廊處
爲問呈式出作邦家光伊余秉微尚明發不敢忘安知
家國勢翻爲忠孝妨偶然斯負乘何以慰垂堂逝欲反

井畝此身屬君王燕雲盼吳會南北遙相望
睽孤念羣聚籌策安得良魚軒苦莫具遠道
徒徬徨鹵莽遂一決利害不及詳合併樂庶
幾稻粱謀未遑聊以勤溫清飲水充酒漿老
親乃憚行躊躇天涯裝兒跽辭祖母婦行遠
姑嫜兄弟不得偕參差持離觴棠棣有風雨
萱草繁煙霜羈愁得新詩三復神洋洋子季
才洵美吾力未能張歸心不待招松老菊已
芳謝庭有惠連玉樹生旁唐幾時賦春草清
夢徒霑裳

題朱蘭揮芟梁撰杖圖

長夏風物新涼暄感四序天壽屬平格功成拂衣去懷

哉西陂遊川梁遠回互萬柳靡煙霏千花散風露連蜷
逐雲倚汗漫從波注翻翻夕陽動稍稍鳬鷺聚天與江
湖樂安此廊廟具我友辭金閨趨庭謹跬步異間日應
廣鉤棘貫章句昔公馳辭場飛騰傾廚顧歸來今幾時
圖寫見風度季方能持杖家學自陶鑄從容命詩禮汎
濫窮墳素撰錄有成書新意出部署從謝壯夫業未覺
良士瞿我聞義之達頗亦嗟位遇常恐遲暮懷兒輩失
懼趣豈如乃公賢進退綽然裕夢想清冷池天機狎鷗
鷺何當從公歸一日幾回訴

琵琶曲爲朱蘭揮題潯陽送客圖

山莫高兮匡廬水莫深兮彭蠡登山臨水兮送將歸君
何爲兮在此悲莫悲兮遷客怨莫怨兮棄婦江淼淼兮
九派舟峨峨兮無數天一方兮望美人徒離憂兮思公
子蘆蕭蕭兮風瑟瑟惜遠遊兮贈行客公無渡兮此河
知不可乎驟得聲嘈嘈兮琵琶悲涕淫淫兮霑客衣前
古人兮後來者吾安歸兮吾誰舍江空兮月白四弦兮
一盡天地遽廬耳吾又安知乎行客

送薄宮贊前輩視學湖廣

玉堂清切近

宸居迢遞中天職秘書豈信文非干腋貴都疑寒僅一羶餘

百川手障狂瀾柱萬里身行使節車鸛鵒鳳凰誰辨得
看公擁傳稍軒渠

荆楚歲時吾頗悉襄陽耆舊復誰豪二千年道歸周子
三百篇詩到屈騷夢澤龍蛇雷雨急湘江鴻雁稻梁勞
頽風端賴中權力早晚諸生望節旄

通門晚進絕班行忝竊清華近末光萬卷借書慚北海
幾年延譽藉歐陽紅亭綠酒臨行盛斑竹蒼梧引隊忙
却笑孤生自蕉萃無由祖道一持觴

翩翩書記滿長安落解馮生意未寒市義猶堪居上客
憐才應不忌中官清川蘭芷香初遠綠水芙蓉露正溥

回到南州尋國士德公牀下盡龍鸞

咏棗花送馮夔鵬之湖廣次彭先輩尹作韻

惜此蓬萊樹非非近別筵感時驚已晚托地漫疑偏東
海華難實湘江細易捐苦飢誰叱叱猶使朔來前

桃李花爭變東風去幾時亦知齊水麗終謝洛塵緇七
尺竟安適萬年猶可期素心看靡靡楚澤夢相思

瀛池雅集用題中平字爲韻呈同年成聖來

同唱霓裳第一聲天風吹落到蓬瀛紅雲萬疊

皇居近白玉三層紫禁清共破閒心游汗漫試鏗奇句鬪彫
亭人間已遣烟霞隔十二樓高在五城

利生初集 卷之六
素衣肯受雜塵淄自暑永衙冷不知呼吸幾年通

帝座依儒六月息天池紅裙文字應難並青史功名尙可期
相對一尊休浪擲玉河新漲綠差差

壽胡肫明先生八十

十載吳閭被襖筵典型曾記接通賢都將耆舊推文範
未怪經生老服虔著述焜煌

天語重星霜荏苒歲華遷令名壽考誰兼得應與先生號樂
全

送蔣樹存令餘慶

金閭舊雨幾經過秘閣中天共校摩符綬一朝驅驛馬

車書萬里到黎蛾勸將齊菽疏蓬蘢肯惜尊罍損嘯歌
吏治卽今邊徼重政成歸報未蹉跎

紅苗歸化恭紀二十韻

帝治登三古苗民格七旬兩階渾德舞四至總王臣要服盤
瓠裔菁岩沅酉濱缺徒相爾汝冉向各頑嚚溪上名何
雜濩中亂已頻將軍吳李異謁者漢宗均采入勞摧陷
經年困拊循羈縻還自絕竊發每相因革面知何日歸
心忽此辰

皇仁綿紫極大化耀朱垠上國今風動殊方遂響臻未煩虞
詡論已覺單程浚渙葉休聲塞盧靈積染新梅安求質

子桓誕早呈身蠻樂巴渝曲山篴火澣巾神功鍾呂奏
王會畫圖陳步遠躬章亥荒遐關廣輪效珍非孔翠在
藪卽麒麟律已吹潛穎繩休束濕薪虞衡通桂海載頌
儼帝鈞

迎

鑾曲

佳氣蔥蔥五色浮山鳴萬騎到檀州遙瞻六羽廻雲駕
何似人皇谷口遊

聖曆如天化日照秋風振旅莫言遲道旁爭看前驅好長壽
旛連萬歲旗

班劍客刀按轡徐飲飛一隊又熊渠結旌不爲西風急
清晏時巡駕德車

羣工躡踵簾雲駢嶽立河奔走百靈旂影也呈交泰象
升龍畫素降龍青

七校三驅奉

至尊大庖恩賜遍期門歸來共說輕車便樊鵠纓懸一色純
粲戟都將黻黼緝層層亞字雜旌旄周廬夜靜誰何緩
明月如霜北斗高

清暑年年出塞居高秋校獵未容虛卽今
輦輦經行熟不用司南記里車

揮毫拜手有臯夔共說賡歌喜起時中使又傳停鼓吹
便與隱鄰正吟詩

侍衛都依日月光青鉏黃鉞隊堂堂相如諫獵渾閒事
神弩嵯峨二十張

君王臣妾萬方同部落諸蕃總侍中塞外防秋真底用熱河
今作九成宮

查浦先生移居舊寓次少陵將歸成都先寄嚴鄭公作
見示敬和五章

高寒蓬觀逼清都敢獻承明乞左符傳舍無憑蓬自轉
田園有夢菊將蕪清詩比屋同聲和濁酒過牆滿眼酤

信是舊居猶可僦不煩詹尹問元夫

微風噓拂起青蘋花信參差已報春竹徑未迷曾宿客
桃花應識再遊人三千牘是移家具百萬錢難買宅鄰
莫怪長安居不易未能舍舊更圖新

飛沈不用恨回溪細數前途覺未迷韋曲杜陵天遠近
夕陽春雨水東西苦心肯悔屠龍學結習難忘得兔蹄
亦解塵塵本無際飛鴻終認雪中泥

滿架藤花覆曲欄夜聞風雨憶江湍公方鸞鳳巢阿閣
我亦鮎魚上釣竿文字千秋懸道命科名孤進笑還丹
白駒近日勞維繫清潁長淮去亦難

黃髮青山相映微綠楊明月不須歸陶公自愛吾廬好
晏子原知卜宅非借得竹陰聊息影偶來桑下總忘機
祇饒文藻能增重莫笑王陽一素衣

古松流泉圖爲儲中子昆季賦

圖爲中子昆季五人小照

昔聞廬山北岩下臨石門澗離離連立巖尾松匡氏七
人於此得道術至今泉石窈窕思無窮我家相距四百
里欲偕羣季往遊行未從古來得道須慧業區區茂松
清泉未足誇山中君家兄弟如龍虎變化呼吸生雲風
科頭箕踞各有以經術政事相磨礪和嶠森森磨謏謏
與人國家梁棟行當隆流泉百道出有本要趨溟渤爭

豪傑誰言大荒中松有拒格日月出入天爲通蕭然一
丘已神王奎星之精下散何熊熊人生天倫有至樂使
我對此倘怳回心胸逍遙堂後千尋木彭城飄泊今幾
冬馬常贗桂不可及長枕大被吾則同對床舊約日已
久家山亦有三五支離翁

穆堂小集擬古詩今日良宴會

帝京一樽酒慷慨懷凜秋羈棲二三子會合如萍浮枯桑
與海水風寒難可憂惟有豪素綠堪與相綢繆久忤感
一歡傾洽非常儔豈必羅絲竹哀響間清謳酒酣仰霄
漢天路誠阻修晶晶淺日輝冉冉寒雲流何當奮高翼

飛騰凌九州

梁仙來下第南歸以詩留別次韻奉送

薦賢無計報任安牛馬今知太史難忍使燕歸先趁社
却緣餅凍早知寒遊秦金已兼裘盡照乘珠聊爲雀彈
莫悵青衫未離核枝頭我亦幾年乾

關心離索盼參辰共厭虛緣識葆真有道尙爭千載業
高才休悔十年貧天涯命駕唯良友日暮垂堂各老親
亦擬閒居賦歸去版輿長御學安仁

送陳曾起令長寧

誦詩聞政前賢語妙筆荆溪二十年

余所見本朝詩義
以曾起爲第一流

布海內近
二紀矣

已遣全何爭避席肯容焯炫更同編明堂惻

悵遺瑚璉下邑頻煩借管弦粵雪未容還蜀日要教絕
徼得師傳

渡瀘西去近裁山六詔三榮總百蠻人物最高任永節
飛仙應識鬱姑顏競翻鹽井風誠薄試訪桃源俗未頑
好去陳詩來報政送君行已報君還

紫玉醴硯爲王筍林裴魯青賦

帝鴻墨海不復識黃琬白琥蛟龍蟄誰知玉德有金聲
猶見高陽六醴一當年五勝德在水鑄作六鐘應六律
自從樂器盡咸陽形製相傳久亡質何人磨刀割紫雲

規作君家案頭物
顓帝浮金鐘最神
震驚百里毫毛拂
想像洪鈞妙鼓橐
應知此製尤奇傑
晴川妙墨洗更磨
隱隱鯨鏗發清越
我書纔足記姓名
斷磚片瓦求能必
還君永寶比咸謨
不敢從君更分乞

送王叅議之江南

虎踞龍盤地人誇
節使雄勛庸推左
海轉運出江東舊
灑西山雨新乘滕
閣風

帝心原簡在師錫
屬和衷晝日榮三
接班資慶雨崇傳
車何
迅速醇化看冲融
泰象占初正都聲
聽已宮教將馳域
外樞始得環中溫
嶠歸朝異真長入
典同奇功輸計相

餘事因詩翁邇澤分黃潤塵踪滯輭紅唯思霖雨遍爭
頌黑頭公

贈趙昌宸司訓上猶

我聞九十九曲水其流下注爲章江洪波屈折貫彭蠡
溯源濫觴猶微淙豫章夙昔昌文事千秋風雅高麾幢
異人間出每獨步歐曾王黃誰得雙殘膏賸馥被海內
疆國請服弱入降南康峻處萬山微鴻濛未散猶敦龐
有如周人訪沮漆綿綿瓜瓞開宗邦世運休明極聲教
東連鯁長西冉駝此邦淳古雖自貴於文未勝言則隳
君家笑兀起湖際頽波砥柱迴濤瀧奇書十上訖不報

在司木鐸開愚齋卽今師道久陵替紛紛粵雪驚炎厖
此行宦薄任不淺大呂勁鳴鐘橫撞文章廉隅兩提唱
樂止以榻起必控東山寺鐘能變化青龍行雨水滴繁
教成計偕上

京國共隨朝鼓聽逢逢長安珠桂日已急玉堂冷落雲霧
窓唯餘文字足怡悅一編閃閃搖蘭缸同鄉風會誰復
振晨星相望心已慄龍文百斛贖欲絕遲君巨筆來同
扛

送汪悔亭令全椒

彥章兩制高南渡名德重光此宦遊當日全椒秦古縣

白雲千頃宋滁州五賢過化芳聲近三隱遺風直道留
莫戀臥龍山色好歸來簪筆殿西頭

瑞州知府趙君以蠶桑教民有野蠶成繭之祥詩以紀
之

農桑王政始衣食所根源匪農民乃飢匪桑民亦寒西
江俗儉樸維瑞尤清淳道院有嘉稱賢牧心可勤稼穡
力原野維桑生未繁毀勤買蠶種移植千萬根風戾傳
古法繪圖懸里門和風相煦嫗四時如春溫何來五色
蛾蠶繭被郊原萬石足絲絮挾纈皆公恩古來循吏傳
兩漢尤所尊永光建武年野蠶書屢聞當時誰作守千

載仰清芬

壽孫駿公同年七十

曲江宴後闌招尋岱嶽東看歲已深誰擬包歐同入薦
君知富貴自題箴青雲紫陌遙相慰朗月清風可得任
欲過蘇門慚鳳嘯幾人還撫一弦琴

癸巳中冬始集湘芷寓齋默經

六籍微茫寄說鈴秦灰漢馬况曾經共憐公暇陰宜惜
恰值冬餘雪未零殘圖猶爭三豕渡參差未許乙鴻冥
讀書須信千回熟莫厭求他故紙靈

恭賦

御製冬至讀易詩律考中聲

義易微陽理天心辨有無地潛雷未出剝盡復應蘇半
夜時維子中冬月在辛欲陳殷薦樂已協泰階符觀象
因時動聞聲與道俱雌雄聽嶰谷參伍應河圖土鼓先
求響葭灰或取葶宮音圖可共冲氣管猶孤晉制規銅
尺幽吹審蕢桿奇零房律變含少呂文殊始訝編鐘誤
還疑累黍迂

九重神解意赤水得元珠

孟夏方近雩招同徐壇長張趾肇儲中子惠天收繆湘
芷黎寧先成綱齋餞閭泗山於城南祖家園分得水

字

棟木華殘風信

帝京春色如流水眼裏天涯聚散人愁見將離擔滿市相招
騎馬過城南祖氏園亭聊可喜荒池荷葉初田田夾路
垂楊亦靡靡麥秀秧齊葭炎深參錯麗春搖菊婢山石
未落藤架高水亭兀池中起茶竈都籃快一息單席
參差橫坐几念君遠行苦作惡偶得流連當爾爾解衣
槃礴飛觥籌天地悠悠同一指人生富貴葭中荇萬事
東風吹馬耳中丞寂寞柳堂空叅謀去後仄亭圯竭來
飛放泊邊行慷慨英雄肉生髀

朝廷有道海宇清縱有千將堪補履君歸孟渚澤邊田好
把長鑣課疆以圖南且作六月息何人鷄搶鶚鵬徙憶
昨承明共值廬國史三朝同校理鋪張揚厲才苦弱要
模盤誥規姚似窮年橐筆竟何成比似窓蜂鑽故紙槐
陰蔽蔽清晝長羨君先覺南柯螳我留囊粟苦長飢困
寒漸欲疑冰氏何當策杖從君遊竹簟茅檐稱外史更
向人間說天上昨非應自輸今是杜陵野老有成言青
鞋布襪從茲始

題高高士傳後

儒者經世術乃在倫理間老終幼有養豈必求神仙古

來奇偉士有託或逃焉我觀高士賢慷慨脫儒冠是時
歲在酉深心難可宣辟穀從赤松捫蝨驚符堅有親仍
致喪有子世以延瞥然匿光景去去遊名山鬼神本茫
昧流俗訛喧傳豈知忠孝心熊熊照青天至今望親廬
不題方外言浩蕩碧流水蕭條徐泗寒猶聞高士兄儒
俠能長年

穆堂初稿卷之九

臨川 李 紱 巨來

瀛洲亭草三

送方文輶令豐潤

遼東仙人白仲理飛入無終山上住燒丹餘力化黃金
散與窮檐作泉布邇來一去三千秋煙雲變滅空山丘
何來仙令飛雙鳥五月鳴琴含素秋潘江陸海誇鴻博
合在承明充著作浚儀懷縣有前規百里絃歌猶不惡
徐無山近愁炎苛不灰木生火石多清風灑野甘露遍
知君報政來鳴珂

暑後涼亭侍安公座主

先秋謀燕集，驟輒盛名都。
密蔭嬌花匝，斜曛老樹樛。
萍痕搖越席，池濕漾綃襦。
牆角碁聲寂，幽娛別院輸。
相於坐泉壑，汗漉積旬泥。
列幄分攜侶，探瓊自命題。
涼颺方黯黯，秋日漫淒淒。
鳳德人知貴，丹山直偶躋。
送裘魯青還新建

秋風飛木葉，送子以南征。
蕭條黃金臺，戔戔長安塵。
聚忽雨散人，生哀樂并。
念昔通親串，意氣俱崢嶸。
人事中道乖，飄若風中萍。
子身纓塵鞅，跼行未成今。
朝乃決去，蕭然霜我脣。
帝京子能來，吾歸亦有程。
晨風厲疾

飛倏忽雲縱橫不念會合難恨恨此時情努力愛眠食
徂暑孤蟬驚

集同年黎寧先寓齋分和韋蘇州擬古十二首之二
白雲滅清漢大火時西流迴薄感秋氣枯蓬逐驚飈栖
栖遠遊客寂寂何所得蕭蕭抱空影蠢蠢隨京國平明
趨直廬向夕左掖出神山終縹緲安得窺璇室秋陰苦
易暗躊躇惜往日何用仕宦成稍待婚嫁畢

鷓鴣先秋鳴百草爲不芳虛堂晴日淺乃覺秋氣長灼
灼芙蓉花英華畏衰歇霜露不相待西風生木末

老榆樹歌爲惠仲孺賦

少年意氣盛妄擬橫馳千里榆林中漸老衰歇如鷺鳩
欲以搶榆笑大鵬一官難助進退無所據材與不材何
者乃爲工故廬豫章一千尺六月蕭蕭聞寒風羈栖住
帝鄉幽夢時時雲霧通平明騎馬入金門惟見十丈飛
塵生杲杲紅日衆萬瓦更無草木餘康莊困喝不得息
美蔭何由逢君家老榆最奇絕一株笑兀當檐榮摩挲
近是百年物高枝開葉蟠虛空虧蔽日月隱光景匡牀
竹簟開南窗把卷足偃仰金石聞歌聲京城富家誇天
棚吾曹冷落非所能此樹天然豈人力安得結鄰來下
風猶聞三月時榆錢萬疊堆青銅今年畿輔二麥熟明

年炊餅猶堪雄春寒野陰懷抱惡款門剝啄攜羣朋更
拾榆錢作飢飫樹根一醉吾能同

輓明經李剝水先生

臨川漢古縣其上當文昌墨池朱井間山水尤清蒼晏
王閭風氣吳虞遙相望綿延七百歲比戶多文章別集

近百家縱橫珠貝光自從黃李來斯道竟微茫

本朝邑中能古

文者推元胎仲章兩先生

辛勤半谷叟守待何徬徨朝登五峰曠夕

歸三市荒老屋自提唱幽陰如寒蜚潦倒竟不售遺文

緘空囊夏蟲與井蛙然疑叅相當我生亦已晚從公追

翺翔支離廿載間景光猶參商終焉舍我去孤行徒俛

俚蕭條起衰意碩果隕道旁仰瞻北斗魁半圓如戴匡
風景良已殊山高水猶長公意自耿耿後死其敢忘何
時請急歸宿草秋已黃

初秋

駕幸湯泉恭紀

餘威回夏令爽氣接秋光旂影排溪暗車聲殷谷長
綢繆蒸地肺威沸涌天漿紫霧千林滿紅雲一水香應時
來

鳳輦初日假駕行扈

蹕環諸部鳴鑾走百王斷崖尋土脈欹石瞰砂牀漢井炎方

熾周京德肯涼
焚槐占歛歛
旣黍藉豐穰
瀚海塞弓士
甘泉執戟郎
汾波橫素楫
錦裏想華觴
沐浴雙丸麗
還賡百寶章

黍餽和徐壇長

穫黍聞登廩爲饒已媚盤
黃浮爭晚菊芳烈迸秋蘭
結習豪仍在恒飢色未寒
茱萸舊亭沒旅食正南看
賦得秋菊有佳色

黃華標晚節直北犯霜寒
采采籬邊秀鮮鮮座裏看
瓶空澆未得囊涇買猶難
惆悵秋光好無因到冷官

三徑吾曾種花時每獨尋
不遷南國氣相守歲寒心
碧

倚朝霜重黃翻夕照深祗愁歸去晚鄉夢日沉沉

餞秋

限三律

尋收始戒行川原列旌旛青女爲啟塗幾日微霜降旻
霧張穹廬城颺撼車轆朝來野色分林莽雜丹絳我本
寂寞人氣與秋同懣冷官溷帝京頗怪朋從憧寥寥數
子餘車轍迴深巷惟有秋氣親戶牖日喧閑捨我忽何
之驚心疑鹿撞芊芊樹若薺宛宛橋如虹山行有輶轡
江行有艤艫儵然來去踪石滌留微淙頗聞故鄉稔山
田謝潦淥何當共子歸不耕吾能耰

十月十日繆湘芷招赴寓齋看菊同徐壇長張趾肇儲

巾子惠天牧黎寧先方近髮分韻得六魚

孟冬得少燠不知秋已徂黃花固晚節戀此幽人廬依
依二三子殷勤惜居諸相遇一握笑真意同軒渠此花
開幾旬生息相吹噓如何十月十不殊重九初寒燈就
相照風葉逾蕭疎改席向花影明粧千瓊琚藉君洗寒
餓卒僞雙眉舒誰能厲清馥森森霜露餘因之發永歎
三徑良可鋤

皇上躬謁

孝陵恭紀十二韻

歲事崇

原廟中冬又告烝小寒時凜烈大次日凌兢鹵簿嚴施

蹕威儀肅上

陵黃麾分掩映石闕互翺翬一德臣工合三時社稷登潛魚初
脫沼纖韭尙餘水廣牡維於薦豐盛實式憑衣冠瞻肅
穆弓劍想飛騰景運千秋合當年四海澄羣雄齊虎拜
五位正龍興月出遊如昨雲歸壑可徵文謨傳

聖子鴻業永不承

乾清宮

御試賦得爲有源頭活水來

鑑水前賢道契深親瀾有術自採尋臨流應啟無窮悟

放海還爲有本吟
半畝泓澄涵教澤
九天飛灑作甘霖
在山清是微臣志
不改廉泉萬古心

送同年程書巢還竟陵疊用送閻泗山韻

塵甌同懷索米憂
忽翔寥廓攬無由
扁舟晚夢重湖浪
野草春迷七澤州
操縵有情終念楚
登樓何處更依劉
君過大別須回首
知是天涯幾渡頭

落落離居散曉星
長安風雨鎖冥冥
胸中芥蒂君何有
眼裏飛沉衆未醒
對酒平吞雲夢濶
騎驢遍踏楚山青
他年郢曲須增價
白雪陽春一再聽

游十洲先生七十

誰載干旌出浚都清時科目因歐蘇經橫下座輸重席
文起中流仗一壺底事三公難入夢漫隨九老畫成圖
只今弟子侯芭在問字何時過酒廬

龍門舊業幾經春魏薛何人侍紫宸萬古雲霄還悵望
六經日月未重新漢京漫數魏科貴宣室終期召對親
他日辟雍崇饋餉老更南面屬師臣

壽沈白澗處士

震澤東趨海色渾斯文清氣萃乾坤舊聞詩筆兼任謝
更有周官壓蔣孫依草落花門業在感時芳杜國風存
鶴書肯放郊居好不待春坊託故恩

靜樂雙節詩

太常丞李室妻
鄧氏妾周氏

采風唐魏古彤管義桓桓星月光相屬永霜氣並寒自
言之死易未覺大歸難綽楔

天章貴鄉閭萬眾看

首夏

南書房侍直限韻

誰謂從容唱渭城
弇州未到此間行
去天尺五雲全護
拔地千尋日早晴
瀛海瑤琪隨處長
女牀鸞鳳應時鳴
三山縹緲飛塵絕
莫問黃河幾歲清

南書房侍直限韻

程學古詩集 卷之六
宮樹濃陰合啼鶯隔院扉碧翻穿柳出紅動啄花歸過耳
春聲遠支頤午夢稀雙柑故山約未擬謝金衣

南書房侍直次周伯溫夏日閣中入直三首元韻

波光林影散禽魚朱箔深垂白玉除中使傳宣無雜語
天文東壁總圖書

無由飛珮乞明霞地上經營墨陣斜青李來禽渾未識
騰身閭闔夢生花

塵心未謝鎖相縈丹禁徘徊立短楹却怪蓬山天日永
夕陽先盼暮雲平

再疊前韻三首

雞臠羊酥錦鬣魚尙方擎出到前除

天家克食尋常賜東觀詞臣正校書

流蘇網戶映朝霞午篆俄驚一縷斜
竟日下帷抽秘冊春歸忘却上林花

喀爾河屯古塞紫

離宮清暑列丹楹內廷扈

蹕傳中詔行李先催右北平

壽賈太夫人二首時令子二翰林並在閒居

淺碧霞翻萬里觴金星婺女競光芒
相看十賚馳南嶽故遣雙珠侍北堂
王母暫來分紫奈麻姑相見話滄桑

春風晝錦無窮樂可獨蓬山日月長

盛事曾傳彤管芳

翠華當日駐維揚壽昌自備星辰列老福曾依日月光
上

絲綸眞渙汗階前鸞鳳盡文章三蘇制誥須同召翟茀魚軒
慶未央

壽同年嚴西武七十

白首孤兒直

禁闥獨持晚節報春暉

殊恩曾與三公宴

萬壽節賜老臣宴君以檢討列公卿之次

冀賜親承

萬歲衣

羣臣年七十以上者
衣時君年未及而獨蒙

賜御賜

天子方嗟相見晚故人休訝報書稀
要看凜凜松筠意莫厭承明賦日歸

題漸江泛舟圖

江水新安澈底清何人愛作鏡中行
烟銷日出茶初熟兩岸青山一櫓聲

乙未仲秋大學士安溪座主顰假還南

御製餞詩羣臣繼和

敘

恭次十章每篇綴以公歸用致袞衣

之頌過望還

朝云

清時英宰叶文儒
畢益功名在典謨
人以晨光開夜色
普將秋落變春敷
抗章幾歲辭

中禁脫屣何人乞
左符今日公歸真
盛事長離振采耀
皇途

海內誰推命氏儒
漫憑粉繪張皇謨
惟公直絕千秋統
於

國弘將五典敷
燮理陰陽扶泰運
端倪造化轉乾符
公歸更訪襄城野
大隗真迷七聖途

壯猷肯守一經儒
帷幄當年贊

廟謨封事一九會獨上

皇威萬里竟遐敷青山歲月留勳伐黃石風雲想秘符莫道
公歸久清晏重看捧日向天途

左轄頻虛藉舊儒歷敷中外仰訃謨六鄉教已傳時術
三輔科仍省歲敷天近共占魁象通時平先喜泰階符
公歸莫悵長安遠趙北燕南頌載途

邇英叢竹近隆儒顧問頻仍啟

聖謨一德尹躬

天眷注三篇說命

帝旁敷鄧侯東向崇賓席富相西行守洛符須信公歸終戀

闕古來出處本同途

經義斷斷聚眾儒編摩二雅補三謨光華已覺干霄出
聲教應知溥海敷鳳鳥鳴爲文字瑞麒麟來作太平符
公歸那看盤飴戲問字諸生已塞途

歐公晚節著寒儒老把書篇校典謨思穎集成秋夢遠
歸田錄就柳陰敷祇將

賜物充行篋未要親兵送驛符一望公歸風日好沙堤猶是
舊來途

退食清如陋巷儒天家禮重答嘉謨三辰照燭光偏近
四岳都俞奏獨敷齋額賜書楊萬里乘輿入殿李神符

公歸閩海丘樊興不厭牛車負遠途

周官本俗寄師儒此日鄉閭望遠謨
榆社散金風沕穆松園薙草露紛敷
名山大業留金匱天際真人謝寶符
遙想公歸山嶽重松喬莫漫引前途

學御三年夢尹儒依稀秋駕想淵謨
春風桃李宮牆遠夜月梧桐講席敷
大治雖嫌金踴躍赤虹親見玉精符
公歸重振南天學道法千春總一途

送蔡聞之同年還漳浦

雙棲越鳥悵南枝相送高秋黯別思
鼉去三山翻弱水鵬飛六月息天池
錫余肯使嘉名負玉汝方知造物私

便與蒼生望安石出山時節未嫌遲

七年同立程門雪矜字今知欲去難媿我虛憍猶恃氣
羨君養晦暫休官此行吟弄皆風月異地雲霄各羽翰
欲擬由回商贈處歲寒松柏共九九

乙未九月哉生明座主安溪先生假旋又三日爲先生
覽揆之辰同人追詣張家灣舟中稱祝歸途用陳后
山一代不數人百年能幾見爲韻得古體詩十章

皇帝乙未歲斗杓始建戌相公得請還從容謝嚴密三載抗
章難一日牽車必階冀拙六葉屬公皇覽吉布帆風始
嫋蓬矢日猶疾送者自崖反相顧瞠乎失籍湜走且僵

誰爲斲聖質往聞歐少師歸田稱六一公爲斯民生豈
得念衡泌鄭公自有孫文穆仍薦姪何如老成人白首
光輔弼胡爲麟鳳姿忍逐魚鳥逸載咏崧高篇躊躇生
甫日功成去不居秋氣感慄慄

驅馬城東門秋陰鬱鬱霽憶昨送公行杪秋月始朏歸
來展書卷據梧發長嘯春秋義例繁袞鉞意安在維舟
尙可追同人三五輩躋堂有故事請問或私對三傳互
攻伐貫串去窒碍庶幾決籜出從容負牆退此別萬里
餘風雲思馨歎歌雅徒肄三讀書孰賢載豈惟

廟堂間天工無與代斷斷爭一是擾擾同羣碎地上方經

卷之九
營那得飛霞珮

大化運四時洪鈞鑄萬物寒暑相流轉陰陽遞信屈朔
氣一凌兢西風屢披拂相看龍蛇蟄尤恐蜉蝣出古來
崇化理儒者有道術義利凜舜跖施悖教亦佛仁義或
見羞貨殖乃可述頽波彼則然隨流吾所不誰爲百川
障千仞撐突兀

九月蟋蟀鳴良士方瞿瞿困蒙獨遠實萬里送師傅明
哲良可欣狂簡毋乃懼平生騁文字繩墨裂章句高山
仰則勤迷途行屢誤浮華困語言鈎棘窮理數自從執
經來青天忽披霧猶疑鈞軸嫌翁翁愚衆煦欲見每次

且歲月飄風度，想思六七載。此錯不可鑄，鴻飛忽冥冥。
弋者渺何慕，張具爲大別。維舟得小駐，霏霏重陽雨。黯
黯關河路，徒然信宿留。踟躕起四顧，平生寡宦情。一官
輕瓦注，安得繫不食。漉落爭袍彖，逝將從公遊。若壑奉
巾屨，悵望南海隅。蒼蒼但烟樹。

志士好奇服，大節有完人。往往安危機，懸此進退身。千
仞翔鳳凰，九土圖麒麟。紀綱誠已布，風俗還當醇。捨此
鼎鼎間，去從寂寞濱。閩山高不極，閩海浩無垠。後命固
有期，何時來蒲輪。

國衣盛袞繡，天音鏗韶鈞。垂輝照日月，煌煌千萬春。

翔雲從飛龍墜芥感靈珀氣類有相應曠不阻山澤西
歸懷衮衣東人念赤鳥

國門昨祖道信宿已陳迹惟有修名永庶幾垂竹帛相望
南北海明德當自力寸心收微茫羣言傾瀝波空谷猶
有聲虛室自生白曾當破膠轕渙然得永釋江草徒靡
靡林葉亦槭槭他時叩函丈風雨愬疇昔何人竟超詣
度越流輩百此願誠遙遙求也不敢畫

學優志主組功成思林泉等爲浮雲過太虛終蒼然歸
途尚微雨寒草綴秋妍去者方向越留者尙在燕先心
逐鴻雁後夢搖旌旃成都有舊桑河汾有薄田虞淵孰

取日青冥誰捧天厚蘊不竟施憂樂何當先遙知遠來
使爭問裴公年

大道不虛立聖人無全能吹律念黍谷履霜戒堅冰胡
然六月息鶯鳩猶笑鵬虬蜉方戴粒鼇山豈不勝風弱
海水翻高下難可憑古來有樹立時至乃一乘新儒庶
可習舊猛行當徵聖道猶龍蛇斯言將服膺

顏子名益彰始由附驥尾席卷石可轉硜硜我心匪安
禮本雜服安詩先博依姑與爲無息終焉得有斐昔人
志三立能者今猶幾先生肯發藥采封不以菲庶用秀
嘉禾翹翹出茅葦秋日何淒淒重陰病百卉涼雨飄行

旌鵲鳴念堙蠧吾學不可輟迴車自憤悵

天涯兩載期江干三宿戀持此躊躇思乃爲反覆見明
當解維去雨漿激飛電舵樓殷鼓角水驛奔郵傳歸魯
正雅頌息陬裁狂狷居者空復思行者良可羨林麓稍
低昂川原互隱現坐歎春風遠已覺秋氣變

綸扉竚復來撰杖吾能先

聚奎堂夜坐漫成長句呈前輩王恒麓閣學併示同考
四銓部暨同年汪無亢舍人

鏤院深嚴夜氣清高秋鵬鶚競飛鳴三台副相黃扉老
北斗天官粉署英策士喜同千載遇樹人功到百年成

鳳池更有青雲友商榷殷勤過二更

廳槐捎月轉長廊河鼓星迴夜有光多士幾年陳虎拜
羣公同日醉鷹揚風雲氣色搖三極冰雪心期共一堂
敢信兎且容易識翹關曾舉郭汾陽

倒載干戈丹戟餘承平旌節臥銅魚百年禮樂兵安用
三歲賓興將自儲已喜挽弓能識字誰疑學劍不成書
近聞氣奮伊吾北馬武城宮意未疎

梁家莊迎

駕恭紀

法駕初回輦路新千官鵠立望清塵烏墩小次

皇成立蒙古魏包

帝座陳羽衛重重張雁翅宮車遠遠簇魚鱗時平遊豫懽何

極歲歲迎鑒拜

聖人霜仗霓旌

一隊黃衣照日明

天家按轡正徐行

九重綸綍垂清問多士韜鈴喜策名武緯文經皆國用甫侯

申伯有神生微

臣

謬典鴈揚試親接紅雲現太清

微雪同變颺過湘江寓齋看菊用東坡聚星堂韻仍禁

用菊雪故寶刻燭三分

西風浙浙鳴枯葉墮空萬點霏微雪高齋夜過一燈紅
猶有霜葩鬪奇絕故山隱約近柴桑三逕花時尙堪折
南方地煥雪霜遲惟有寒梅耿明滅薄宦蕭條任

帝京門限迂迴輿倒掣已無秋色競金樽漫對空花呈素纈
君豪能醉有名花羅綺紅裙都不屑歲寒相對數枝餘
老圃寒芳同一瞥花光燭影如繁星玉堂佳事誰能說
相期晚節莫蹉跎鑄錯當求幾州鐵

菊影再用聚墨韻仍刻燭如前限

畫屏攢簇千花葉約莫寒空流素雪天然真色出蕭森
夜月寒波兩奇絕綆短猶疑甘谷寒籬荒誰向柴桑折

形神相印爭離合香氣迴盤乍起滅勁節都存生意在
風威莫漫相欺掣書空已怪蓄疑團繪水何當呈錦纈
招隱雖勤未肯起載酒空煩終不屑根株何處究終始
三春一例風中瞥不知相賞有無間舊事荒涼那可說
華燈欲灺酒痕深雪蘂霜枝黯如鐵

穆堂初稿卷之十

臨川 李 紱 巨來

瀛洲亭草四

丙申元日

四十飛騰已滿時
况驚過二轉遲遲
無窮老去流連事
有分春來漫與詩
萬卷橫陳空浩汗
八磚晏起敢參差
掀髯一笑還拋鏡
不著清霜得幾絲

輓郭母兼示令子元鈺

白雲南望失瑤池
游子年年只數奇
黃卷前程三戰罷
綵衣名字九重知
北堂遙想天書爛
內寢俄聞薤露悲

惟文章堪共信
瀧岡阡表古來遲

輓汪母吳太恭人

烏尾畢逋鳥口傷鴛鴦戢翼能雙翔
人生節孝不自致使我感物時徬徨
汪母至性古未有胡不百年久眎扶
藁常伊昔亂離竄伏莽有翁摧頽病在床
豎藥不得求刲股作羹湯翁疾霍以起
驚聞奇孝爭傳揚盜賊彼亦有人性
黃巾不擾龐氏鄉夫子客遊忽不返
以轉來歸神慘愴君何爲乎遊遠方事
夫不得如事翁安用右股爲銛刃刲內
陳君旁所不與君植藐孤奉尊章有如此
肉嬰鋒鏑宗黨來聚觀歎息滿鄰牆
刲股奉親良已難

以肉莫夫聞未嘗天陰雨溼兩臂痛提攜地軸撐天網
此事喧傳三十載鴻生鉅公歌述盈縹緲德爲九族冠
名猶百世芳藐孤旣彊仕爲郎

絲綸五色來煌煌飄然忽去不可望下從夫子奉親於九京
精氣上燭三辰光驂鸞翳鳳定何所南嶽西池終渺茫
秋山學圃四首爲張天申題卽次元韻

志和蹤跡溷樵漁去采蓑荷拾芋渠三月便辭彭澤令
多年不遺子公書林邊涼吹迎櫻笠花外輕陰駐版車
亦有臨川數弓圃何時春雨自攜鋤

不須九萬更南爲控地飛榆俯可窺事過豈堪三宿戀

兒賢直是萬金資
摩挲老眼惟霜栢
振撥歸心有露葵
試向壺頭望鄉里
共君添得十年衰

莊鳥經春祇越吟
菜根滋味憶山林
夕陽千樹鳥啼急
寒雨一番花落深
窰堵波猶難作宅
磨兜堅已自題箴
惟餘結習殘書在
千古南池一寸心

秋山當日共遷延
小試如公已可傳
花縣最憐歸去後
金門應笑此來前
荒池未竭猶清泚
野竹新抽正碧鮮
却笑東坡空誓水
江南那得乞休田

晚春偕同年徐壇長
須鳳咆汪無亢
繆湘芷黎寧先
八里莊看杏花值
汪紫滄俞穎園
張莪村吳見山
四前

輦陳滄洲知府牟山兄潘鄭二進士亦載酒至用遊
騎偶逢人鬪酒名園相倚杏交花爲韻分得偶字

阜城門外春光九桃杏花開三月後書局銷磨惜晷心
芳郊冷落爭春手忽逢好我携我行邂逅相逢不速友
紅光萬樹綠陰疎席地晷天陳簋缶分明角勝氣如虹
泰山爲肉海爲酒頽然惆悵幾春明只數今年未孤負
酒闌更訪梵王居綽楔雙龍拱慈壽有明方盛中宮倭
慈聖宣文尊國母妖夢荒唐豈足踐蓮花九品鳳九首
輿金輦玉起珠宮赴海趨山走羣后浮屠突兀閣巖嶮
老僧作主中官守銅狄摩挲轉百年剝落鼎銘鐘絕鈕

九蓮菩薩彼何人祇是漢家老寡婦乃知興廢不可詰
丘陵能北谷能牡惟有文章足萬古若地江河天北斗
我生闊誕不自量要師尼父學騶叟一官蠹蠹仕

京國車如雞栖馬如狗籠燈待旦昔所慣載酒尋春今亦
偶在林在梁竟何擇肉食嗷嗷不可狃君看牆左摩訶
庵斧屋纍纍當戶牖穹碑深刻誠妄耳生腐猶能慚死
朽相期努力事修名春花過眼無何有

送劉僉事分巡延建

建安小鄒魯東南儒學昌五步置一塾十步營一庠游
楊繼伊洛統緒歸豫章諸儒集大成愿中啟紫陽當時

胡與蔡家學成相望遙遙六百年奎壁斂寒芒

聖朝崇化理詩書易析楊選吏去武健庶幾漢循良君才繼
中丞名德當重光三溪故宛宛九峯猶蒼蒼儒術飾治
具振揚南宋芳小阮吾舊識助君提紀綱沮洳三百里
邇潤當吾鄉竚聞謳頌騰休聲鳴鳳凰

午日早朝卽事

興疾趨

丹陛朝陽又欲昇禁鐘殘濕殷宮樹早烟層肘後方安在身
前事未能芳華擬休沐佳節竟何曾

畿輔愆陽久齋宮禱未成殷憂維

未生
補展嚴譴到公卿友紀今晨肅星河昨夜明誰能喫蒲酒
霖雨慰蒼生

火德離明候端陽天正中哀雲過五日變理備三公漢
法弭災誤周官屬望隆還瞻相公雨歸院望雲虹

題冢宰宋公樂春園圖用歐公滄浪亭韻

代長洲
座主

韓公東歸築畫錦往往醉吟池上篇先憂後樂古所許
名堂醉白公猶然西陂先生有別業明湖十里光回環
四時行樂日不給中間尤數春熙妍垂楊千樹鶯百箇
鍼砭俗耳無塵喧冥冥花霧出雜樹晴霄萬頃飛紅烟
先生泛舟載簫篴葦間縱棹從延緣新詩高歌入空際

飄飄那復知飛仙人生富貴一俯仰唯春可樂來無邊
歐公清穎非故土子瞻歎息歸無田豈如先生早

予告亭臺突兀波淪漣林間賜驄亦閒暇肉髯魄礪搖連錢
古人勛業等相望披圖豈免夔魃憐令名壽考已兼得
清華獨擁寧非天造物深心報功德豈戀舊林思故淵
昨逢

聖壽重入覲安車細草春芊眠康侯三接備榮賚明良相慶
無窮年樂春佳句本

聖製此圖他日同流傳

南書房侍直同人限韻

佳氣何葱鬱蓬山有祕書言從金馬地來侍

玉皇居天倚星辰近春迴日月除東風滿紅杏塵外復誰如
苑中和寧先韻三首

同來二月時隻絕諸天鏡參差雛鳳聲縹緲飛龍影

紅雲作

苑牆遮斷人間境何來朝日光一片春花影

紺碧發奇光森然異塵境春樹總烟氣晴天一虹影

送樓令之靈川

東樓名德遠之子去鳴琴文筆迂齋擅遺經次子航江
逢灘水潔山入桂峯深肯信神明宰公餘夢

禁林

寄趙昌宸

飛鴻遠遠向南雲
庾嶺梅花歲又新
鄉夢近來紛似雪
故人猶寄一枝春

却憶前期敘別杯
章江風雨故相催
只今遙想猶川水
一曲潺湲一溯洄

送廖若村前輩督學四川

岷峩秀出羣山表
開闢何年割昏曉
自從教化有文翁
西京學術胚胎肇
楊馬嚴王盡異人
奎壁光聯太白小
有唐陳李旣鯨飛
入宋三蘇尤鳳矯
文章獨立當一代

論量要比川中少邇來風會稍衰歇誰與張皇發幽眇
先生十載侍承明去載

簡書建旗旄蜀山萬點蟠劍閣竿索飛空雲際裏遙想單
車按部時朱繩比直冰壺皎太平聲教久西被聖功養
正須馴擾教成仗節出秦關聲滿藝林流泮沼今日看
公萬里行天際真人徒縹緲

壽戶部郎中李丈

憶看粉署映黃扉天上仙郎早拂衣勇退已推今日少
高年又到古人稀

彤墀珥筆芝蘭盛皓首窮經棟蓂輝祗恐中原望文獻重

教蹤跡故山違

送館師閣學彭公暨假還鄧

玉筥閤皂西江雄蜿蜒磅礴神所鍾鄧州夫子起中土
故鄉回望蟠千峯文經武緯有家學出當景運稱儒宗
滄海孕珠崑剖玉雲霞繞指星羅胸以人事君古風烈
屢持玉衡鳴金鏞黃扉青瑣叅密勿助宣化理開時雍
皇帝四十有八載庶常勩相時所庸慎擇名卿課館職惟公
三命滋益共五緯正色列宿斂四瀆東注百川從春風
風物競滋長若泥在陶金入鎔教成報績

帝心悅菁莪一氣無菲葑自從有明選吉士十不留三常儻

憧逾三百年僅一見超絕後軌陵前蹤蒙忝同鄉生最
晚強續二南連邶鄘奉几撰杖待君子庶幾闕失能彌
縫教思尙憶大昕鼓歸興忽驚襄漢鐘自緣風雨感防
墓豈慚嶽隴規周顒何人出處備忠孝院槐省棘忘阡
松公行遄歸

國有詔衮衣未許先明農湍溪窄艇白水合豐山古屋蒼
烟重遲公大澤雨天下莫愛南陽作臥龍

南嶽石船紀異

昨過淥口望南嶽曉霧冥冥噴空薄心知正直媿韓子
不敢禱雲露雄嶠歸來忽睹石船詩風雷感應何神奇

驅山裂石簸雲海南陽彭公天人姿公昔乘時建勦績
鐵馬金戈啟黔焚衡湘舊屬用武地草木知名神所嚇
題詩遣船船迅飛指揮造化如小兒風檣雨楫誰鼓盪
一朝飄泊無端倪只今騎鯨五十載嶽貢川珍未遷改
三山縹緲弱水闊應駕石船泛滄海

揖山草堂落成索詩書以應之

使舟昨繞清湘畔雉堞連雲萬家縣不信幽人著此間
草當臨水當山面近市豈識利三倍擁座祇餘書萬卷
篷牕明月倚深更却悔維舟未登岸

富平王節母竇氏

斷臂原家法存孤接有仍貌諸今岐疑髡彼尙崩簪金
闕天回照瑤池水自冰啼鳥休啞啞綽楔湧觚稜

東闕門觀荷同徐壇長繆湘芷黎寧先

微雨凌晨歇不知荷葉欹散朝趨

左掖繞闕過華池一往田田勢相逢豔豔時猶慚數君子
清賞獨來遲

三館校書急四時行樂疎偶然因汗漫慙得向夫渠
禁地游人少清曹酒琖虛惟應羨漁父小艇獨叉魚

雨中偶感

直北連陰九夏涼却憂恒雨接恒暘蜩蟬塞默藏深樹

鼃龜跳梁滿壞牆桃葉飄殘無限綠槐花落盡向來黃
祇憐門巷輪蹄靜贏得緇書盡日長

同年間泗山將歸沛縣餞席用韋蘇州雲澹水容夕雨
微荷氣涼爲韻分得雨字

京塵感羈客際秋且溽暑行色何皇皇汎觴命徒侶濃
陰夏雷發飛幔散涼雨改席意慷慨懽此萍梗聚君歸
古沛城繞舍桑已樹蒼雲芒碭遠碧流徐泗怒金匱羅
舊策穗烟過微注靜居窮物情曠覽豁天宇何時訪山
中纓劍洗泥土風雨竟永久舊游默重數

青松篇壽顧文學

青松生岩阿鬱鬱含奇姿懷抱向千載柯葉連四時風
雲屢迴薄霜雪相華滋幸免斧斤天猶有神扶持流脂
爲虎魄照夜光離離上有雙鳳皇千仞攬德輝行客且
勿歎才大終當施匠石方躊躇棟梁竟安宜君看千門
闢建章行巍巍歲晚厲高節清風朝夕吹

題四時讀書圖

山中風日佳快意陳簡冊睠彼絃誦聲答此烟雲色野
芳旣春徃繁陰忽夏迴輝輝秋月明凜凜冬雪寂此時
吾喪我商歌出金石十年荒故業牛馬走京國何人有
高寄此意乃先得南望匡山廬攬卷坐歎息

送康生歸漳浦

躡屨擔簦道路難
西風燕市晚秋寒
叔才歸去誰人識
好向臨川集裏看

京華萬里送行時
渺渺南雲到海遲
近日東江有新社
君歸還訪蔡邕之

晚春生辰張匠門先生以彘肩名酒見貽既秋先生初
度無物可將輒呈小詩自嘲藉取笑樂

太上貴德次報施賢者與人如忘遺
伋生雖賤匪溝壑
有交不報奚以爲
季春之月馬齒及走匿固閉愁人知
惟公餽肉佐以酒
暮歸驚見黃琉璃
割肉命酒成一醉

和生不遺 卷之十一
縱羊踏破園籬籬平生狷介謝流俗殘杯冷炙心所悲
朱門瑟縮掩耳過惟公命飲恒不辭食蔗豈肥齏豈瘦
飛光儵歛驚奔馳黃花秋風試晚節屬公覽揆初度期
逡巡來逐眾賓末躋堂不能持一卮簡點齋厨憶前惠
如渡東海投尾問潘璋博蕩負酤債言豪當還終不欺
我生四十仕不達問天我豪當何時還持公酒爲公壽
有酒與公斟酌之

咏雪用巨州夜讀韻

凍鴉僵立煙沉屋輶軼頓衢紛刺促風馳雲驟碧霄低
滕六縱橫闔蠻觸鄰人酒熱歌烏烏行子飢驅奔鹿鹿

含毫呵凍寫嚴威禁體篇成鬼應哭頽波日下西江冷
誰幹天樞旋地軸歲晚垂垂松柏孤揮戈要返烏三足
髣髴照座已飄蕭腰膂擁梧亦拳曲一官牢落時屢單
四壁崢嶸書幾束深灰欲陷竹鱸紅短檠不續蘭膏綠
閉門高臥汝猶賢一編共映南榮讀

雲中安溪座主招飲乘間問易詩春秋大旨歸而有作
再次巨州韻

歲寒晝掩三間屋朔氣驚心時序促官閒抽策有恒課
雪照牙籤畏振觸逡巡出戶盼金鷄剝啄呼門走銀鹿
傳聞斯文初啟時上天雨粟鬼夜哭方今經學正昌明

安溪夫子當釣軸置尊通衢飲來者深淺隨人各酣足
誰歟高步立程門快坐春風歌郢曲易奇詩正有專家
俗例春秋更拘束六經戶牖一旦開暖律旁吹萬葩綠
酒闌歸去獨茫然十年悔不山中讀

冬至先三日院署齋居

至日天心復

南郊禮數崇駿奔先侍從齋宿凜蒼穹纖月低如霧繁星動欲
風長廊望燈火掩映玉堂中

此地三台近中天聚五雲年來稍閒寂日下絕器紛榻
已枯禪並齋應道者羣惟餘柯并剡茗飲誦清芬

南郊陪祀禮成同江宗丞前輩過高寺丞淵生寓齋聽琴

蒼丘肅穆神所臨繞壇宮觀多幽森雲門六變

帝車返釣天廣樂餘清音太常老丞年七十懷抱絲桐觀古今自言十歲侍

先帝攀髯莫及龍去深口誦周禮吟樂記中聲冲澹無傷淫試翻尺絳配徵角茫茫古樂能窺尋只今新法別起調聖制高遠非所任撫琴爲我奏逸響山高水流風入林嗚呼山高水流風入林斯人斯樂猶可欽官縣上下幾千載葭管灰飛天地心

鑑湖垂釣圖爲天山兄題

出水珊瑚火樹枝紅光照夜海東虧六鼇貫餌三山動
知是垂綸得手時

宛丘高節婦李氏

涇陽賜帛傳遺範彤管吾宗舊有名女節甘時原瀨氣
國恩加處卽風聲祗憐鵠羽摧頽折豈意烏頭綽楔榮此

日

旌綸親拜命九原相見意崢嶸

晚出宣武門望殘雪同黎寧先賦

疲馬衝泥向夕歸天街晴雪尙熹微冷看緇素高低見
靜覺蒼黃去住非肯許寸心移暮色獨憐雙影共清輝

玉堂閒夢今宵遠迢遞江南舊釣磯

齏齏空隨鴛鴦羣無憑泥雪不歸雲莫嫌羈客寒長在
已較征人暖幾分鐵馬馳驅方凜烈銀鱗出入總清芬
祇慙退食終無補漫取豐年頌

聖君

祭竈聯句同族兄覆如舍人

京華困旅食兄弟同拮据風俗重時祀巨灑掃先歲除

水火實生活

如覆

物息相吮嘘維神烹飪職巨典自燧皇

初粒我歸爾極

如覆

媚茲私君餘家人致嚴禮巨來襲子陳

芳綈遶核環金列

如覆

餅酤搜囊儲簋鉶雜鱸鱸巨來筐筥

羅脯腍黃羊厭糲飫

如覆

菜根習苦茹燔柴老婦任

來巨鍾

鼎大夫居豐儉各殊致

如覆

蠲潔猶一如願言神醉止

來巨

其爲我歆諸轉徙壘子笑臃腫莊生檣連枝不我靳執

爨今相於藜覓腹易果

如覆

旨蓄冬所苴庶幾兆有馬寧

甘異煮魚當陘自抽火倚觚聽讀書往聞煬者避於術

禱則疎祇用明德薦

來巨

矯舉何爲歟我行敢自昧神懇

不可沮和羹理莫及

如覆

薪傳道猶虛飢渴害未甚熱中

情頗舒以此淮功過或者無咎譽有芻秣神馬

來巨

有脂

膏神車子郭吾豈識黃衣難摻祛天門去咫尺行當旋

我廬

如覆

除夕用馮上舍夔鵬韻

皇皇列香燈閃閃當牕牖殷勤與歲別太史牛馬走營
室始驗日孟陬亦貞斗歲行何太疾流光一反手羹湯
問鄉里棗栗慰黃口從容酌屠蘇我齒忽已後妖夢松
在腹異事柳生肘等爲取笑粲烏用別好醜何況壽與
名斯人莫兼有乘時感白駒失勢怨黃狗玩愒誠可尤
狂馳幸無咎卜居得窮巷終歲貫門牡靜觀捷足夫苟
得事可嘔惟念慈母老千里悵白首三釜竟蕭瑟屢空
謝殷阜節侯雜喜懼親年固亦偶每念蒲柳衰猶恐松
栢朽平生悔用壯年來成漫叟著述謝元白顏髮變朱

黜徙崇長安米莫奉北堂酒悠悠改冬夏忽忽畢卯酉
守身幸無恙髮膚至踵拇逝將返吾閭家政求孝友擊
鮮爲親養起舞爲親壽庶幾激薄俗德鉏諄箕帚明年
譁此夕一笑饋牢九

丁酉元旦叠除夕韻同馮夔鵬傳豫若恩如山族兄覆
如

燈火耀長衢星河轉虛牖履端賀

聖明百辟事奔走鄙人長丘樊偶然竊升斗藜莧猶習腸卷
冊恒在手長安幾新歲措枉困數口離襪駕驚羣起從
衆人後無因見頭角敢復卹踵肘造化敷雨露偶不遺

頑醜清華空復忝勲業竟何有馳驅讓逸驥追逐媿功
狗趨蹌恒職耳離社已多咎戔戔高車中骨立我馬牡
城雪凍自衝街塵昏可嘔徘徊造龍尾撲朔緣螭首拜
上古所榮天保祝山阜旌旌隱清班鐘鼓依華偶雲霄
託微羽際會已不朽散朝趨玉堂罄折拜魯叟旋聞
萬壽編籤軸煥丹黝躋堂獻
至尊藉以佐春酒皇哉

懋勤殿祕笈富二酉頌上同頓頽志外耻咸拇維茲文學
臣太史內史友何以靖爾位文字爲

君壽庶幾謝糜祿千金享敝帚敢嗟不如意十事常八九

輓同年駱眉山

雲散慈恩慙作緣華亭鶴去忽千年共知節母風霜苦
不信天公雨露偏舊事看隨東逝水故人誰報大羅天
當時臨海才無敵欲訪琳宮已杳然

爲宋檢討題禹鴻臚折枝杏花圖

霧輕曉色繁霞暖朝光迸牆外一枝橫散作東風影
餘山叅議以詩見投依韻奉酬併索畿輔通志

季春日辛未

慈聖歸陵原國哀典禮重中外紛駿奔伊余忝侍從參錯公卿
間有

詔扈鸞韜驅馬古薊門煙樹渺何許風埃日陰昏叅議宗盟
長執事同盤桓晨征樊鵠並夕炊穹廬連言旋各雨散
瞥如飛鳥翻儵歟火昏正耿耿存光顏詩來慰離索華
鄂懷何敦平生慕向期五嶽行當還一昨歷古塞噩夢
時崢嶸

帝京擅形勝山水雄幽燕安得畿輔志臥遊揮琴絃歎
託短章君諾當勿遷何時逍遙廊重賡風雨篇

十四夜聚奎堂卽事呈龔于路前輩

凜秋候始單霜月浸槐影虛堂牕紙紅樺燈何耿耿

天家羅鳳麟文武勢相等孫吳司馬法探本到孔孟發策試

羣力經營心目併棄削梓人困豪素鈔胥競人材闕
國觚黃封達

天聽敬事嚴夙夜坐失寒更永綺疏半明滅星漢已西騁孤
生起蓬華繆許清華領四載三校士忝竊媿多幸荆楚
有仙人追隨得龔勝尋常奉光塵復此同

恩命回望桑梓敬百里連邑井衡鑑喜共矢簠簋得交警况
復分校賢朋好一時並懸知茲會嘉大典光益盛西師
正深入前軍戰方猛窮寇阻絕漠鬼蜮猶狂逞安得壯
士往一洗櫓槍淨憂時賦大車百思不出頽月沈霧露
繁待旦燭當秉

觀刻題戲作

敬事當競辰在公有急節君看刻題法乃與開雕別繕
書始脫稟完好一槧揭中分忽破碎勢若六國裂眾工
各分據一一操刀割草草遺點畫總總失波撇丁丁間
鑿空霏霏看鋸屑小几附塗泥碎槩紛羅列按部畧排
比劃然定于一松煙汎清液素紙亟摩刷粲然見文理
散落等風疾須臾千百番射的馳有埒古來智者作足
使巧者述剗剗固小道拙速未可忽物理旣煩蹟事機
有倉卒心定智不昏藝精道乃出從容觀物化敦率爲
理窟戲陳梓人篇畢萬固有術

十五日用壁間王公衷白韻是日立冬

瑣院森嚴秋氣深流光彈指忽冬臨寒驚朔易規南陸

暖覺東風滿上林

連日氣候和煦

奎壁星中方炯炯鼓鼙聲緩

更沉沉棘闥千眾誰狐狄

宋武舉得人以狄青令狐挺爲鼓

一慰三年

籲俊心

題張學博南歸圖

蘇湖學規七百年師道荒落無人傳君歸正當蘇湖間
披圖太息心茫然莫笑鳳皇羽毛短世人祇逐桑榆暖
淹留騎馬歸策蹇倘得從君吾敢緩

德勝門外馬上口占

市聲漸遠鳥聲繁今日公餘得少閒回望輭紅塵十丈
何人緩轡看西山

清和卽事和沈恪亭前輩五首之一

依樹憐三宿同龕卽一家簫聲驚病葉碁聲落燈花似
雪髭頻拂如泉酒易賒歸歡留不惡同是一天涯

移居宣武門西同年黎寧先招同繆湘芷載酒相過敬

賦一章

風雨重陽又一年水東回首尙依然心知鴻雪難重省

人怪萍蓬已五遷

今自儼居外城四歲五徙

濁酒過牆新洽比

新居於黎

爲

近餘光分壁舊纏綿

舊寓與繆對宇

相思命駕吾猶健莫賦棠

華贈逸篇

夜過湘江寓齋疊移居韻

共數京華旅食年夜燈如夢各茫然
虬蟬自困南柯郡牛馬終慚太史遷
相勸尊猶能貰酒漸寒衣尙怯裝綿
天涯聚首真堪記一度同君賦一篇

賀周寒溪前輩得子

寒溪先生好奇石懷瑾握瑜爭一擲
藍田有玉生何遲海嶽摩挲老成癖
破空昨夜風雷馳飛來天上石鱗兒
引組繫角祝文采此石一雄將萬雌
泗濱被禊有高母一石光華偶懷取
浮磬之精良可寶吉夢生琳大門戶

漱石齋頭千卷書願兒撫石恒呻吟骨重神寒薦天廟
先生一笑同軒渠

送徐亮直編修奉使琉球兼過家省覲

柔遠宵衣切還鄉畫錦榮幾年三及第當日一書生青
瑣竟無暇白雲空有情忽承專對

命去作省親行南海琉球國東吳閭闔城問途剛過里上壽
恰稱觥弩矢前驅肅郊宮舊道清三公崇冕服八座擁
千旌經術殷員外文章馬長卿孝知宗族羨才識尙藩
傾烏返經時哺鵬飛萬里程遄歸還拜慶喜起待君賡
壽曹節母六十

輕塵弱草聽何榮論秀閨房不易逢無背可栽觸忿樹
有心應識後凋松梁門幾歲旌高行漢史當年傳禮宗
祇望鳳毛起臺閣烏頭雙楔湧蛟龍

壽徐文學七十初度

徐泗碧流清且寒赤松黃石前所開高風逸氣久衰歇
先生奮起青雲端平生遊戲著士籍鳳翔千仞疇得干
醉鄉一笑昨夢破騎驢却蹋春風顛肯以文章動車馬
猶有清白貽子孫只今七十轉彊健鄉稱善士無尤愆
龍蛇隱見吾豈識歲星煜煜明人寰卓哉令弟吾同年
十年風義師友間何當共訪魯南舍白石清泉尋古蹊

鶴林授經圖爲徐壇長題

昔年曾譜儒林傳經學微茫晦蝕間今日披圖想高躅
頽波一柱是金山

荒江寂寞傳經學比似深秋開杜鵑惆悵好花歸闕苑
夕陽如血暮春天

送魯留耕先生旋里

玉案仙班三十春

九重許放急流身憑將素業高青史邀得

新恩重老臣莊近午橋歸御馬堂開畫錦榜銀麟到家滄海
猶堪買應向麻姑更問津

題甘忠果公崇祀錄

諸葛營何處公祠盛苾芬淒涼遶鶴語慷慨碧雞羣一
死封疆在諸生俎豆聞至今南望徼五色爛卿雲

壽楊太夫人

同年進士紹祖母
庶常超曾曾祖母

白雲黃竹稔滄桑相國家聲壽母當一節事人誠貫日
兩髦髦彼氣飛霜烏頭欲白天心轉麟角駢生世德光
惟有芳名終不老蛟龍雙湧護

天章

杪秋同年集須鳳咆寓齋限賦八首用少陵秋興韻
白玉堂高近

禁林西風槐影老蕭森自矜豪素千秋業共惜花磚幾寸
陰綠酒清尊公暇宴黃花晚節歲寒心羔裘退食年來
敝笑聽寒衣何處砧

南海回看北斗斜輭紅依舊走東華三霜再建還鄉節
八月真乘奉使槎省掖委蛇歸橐筆城頭睥睨起吹簫
不嫌騎馬來相訪留醉籬邊爛熳花

長安秋日轉晴暉清暑年年望

紫微歲序今逢三豕度天行常占六龍飛迎

鸞曲就情何極

駐蹕書陳意不違慙媿頭銜虛侍從

行宮未識土泉肥

千古征誅一局碁衝關奪角事酸悲大軍絕漠乘秋日
烽火陰山照夜時克國圖成應未老單于詔下豈云遲
禁中頗牧今誰是七字長吟萬里思

聞道留侯返故山赤松黃石在人間祇祥誰省麒麟圖
閭闔空排虎豹關雷雨艱難占大麓雲霄羽翼望商顏
南朝江總空才調久忝鴛行驚序班

建章前殿立螭頭那識春風易得秋舊雨幾人追夙好
晨星相望結閒愁夢中得失憑蕉鹿身外浮沉信海鷗
惟有文章餘故習霓裳高唱在瀛洲

六籍微言刪述功炯如日月揭天中欲收禹貢歸堯典
誰定關雎領國風霓影下投霄盡赤露珠閒點曉猶紅
成雲洞口雲封遍惆悵清溪讀易翁

西江歸夢遠逶迤月滿林塘水蒲陂幾歲皐魚違子舍
生來越鳥憶南枝尙饒抹月批風意不待馳煙驛霧移
他日扁舟却相憶釣磯蘆影一絲垂

饒介之硯爲同年徐壇長賦

華蓋山樵論書訣功參造化追皇頡想當運腕扶雲漢
筆硯精良總超絕君從何處得此寶銅雀瓦形判凹凸
腹鏤介之兩行草春蚓秋蛇勢奇崛使車夜訪草堂幽

和生石夢 卷之一 三
濡瀋揮毫吟契濶與酣要我傳羅文不覺征車促明發
攬轡思君并思硯玉德金聲情可割硯君座右古良友
樵我鄉人舊先達當年四海正頡洞文譙猶能走駿桀
摩挲此石出光怪氣吞顧璞排楊鐵方今文德如虞唐
底遣佳人遠離別書雖一藝成亦難憔悴乃能致專一
天留神物伴君歸要結鍾王壓歐薛他時嶽瀆寫神經
此硯真同補天裂

題小谷口讀書圖

虛窓納寒碧松竹何翳翳中有幽居人孤諷寄閒凭頗
聞數畝宮書冊浩相仍歌聲出金石十年依一燈時文

徒兒嬉盡脂鏤寒冰土苴意不屑經術心凌兢惟禮亂
無象諸生訛莫懲謀野起綿蕝立飢餘房烝君志一何
高厲若攬轡澄井井出部居曲直歸鉤繩陳簡與衛繁
口說時方滕一朝扶雲霧精采發剡藤清時重儒素菁
我在中陵龍文不終隱鶴書行當徵臨川數諸鄭幾世
遷吳興安得從君歸同飯茗溪淩微言共商榷古昔求
依憑逸足誠絕塵吾亦鞭駑乘巧遲豈敢詡聊以謝先
登歲晏去之眾東望情可勝題君讀書圖相思呼欲膺
寶劍篇

昔聞騰空畫景遠出高陽氏周官桃人職爲攻利器下

逮春秋獨數吳越間歐胡干莫諸人遞出擅奇伎人與
神物變化幾千年空傳恢詭譎怪之言在文字當其鑄
也搜索五金之英役百靈雨師灑掃雷公鼓橐太乙下
視辭天庭若耶之銅赤董錫葛金昆鐵相合并剪爪截
髮參以人血氣陽文縵理頃刻成氣決浮雲絕地紀滅
魂却邪月魄爲歆傾區區報仇殺將登斬辱軍頭畢白
千里不留行豈知拾遺越絕荒唐不足錄劍有神灵德
行則福廢則覆偶然墜斷金獸飲濡首下比三千局諸
猶不足燕鋒齊錫有古式五行四時同倚伏此劍一用
天下服兵凶戰危恐致福我願四裔爲守德爲威戢戈

囊矢使爾無光輝安事蓬頭笑鬢曼胡之纓短後衣

王禊亭同年寓齋觀大觀帖

早鸞鵲木標褫貴印章猶識大觀字冬晴妍暖匣塵輕

斗室傳看詔奇麗騰空天矯晉龍蛇峭立莊嚴唐劍佩

紙光墨氣辨新故六百餘年如夢寐當時閣帖羅琳瑯

王著何人委編次人代參差亂宋薄

宋僭唐人誤附斯邈薄紹之與羊欣

齊名乃臨摹彷彿雜鍾衛

元常尚書宣示帖乃右軍臨本衛夫人書實唐李懷琳作

米顛跋尾已批卻黃氏尤工剔譌僞豈惟議禮如聚訟

墨寶茫茫同一喟只今等是千年人贗者猶當齊漢魏

平生精力困經史毫翰飄零無不治撫摩法物氣飛湧

但欽其寶莫名器君家青箱擅文獻卷軸輪囷重龜貝
捧持此冊已足豪夜夜蓬山發光怪酒闌誰者勸重開
莫爲宣和生感慨

西郊卽事同黎寧先萬字兆恩如山賦用題爲韻分得
西字

密雲閃暑雨愆陽勞夏畦同心二三子寫憂行郊西沙
暄困飛颺麥枯秀未齊紅藥始作蕊病草同淒淒道旁
漫容與勝國餘招提古木相陵臨炎光爲陰翳息驟得
林園茗椀聊持携瞻昊溥晴色瞿瞿念爲覓農事憶少
賤宦途覺前迷囊粟自數朔帶經終慙兒歎詠遂永日

寂嚮啼墻雞墟烟原薄起夕景西崑低倦歸望城郭
輓循來蹊臨岐共惜往年運不我稽文史有素業夜膏
窮縹緲聊用紀玩愒無爲憂鹽齏

二月十五日闌中感懷

春燈華月去淒然又見當頭月影圓
絡秀身輕家破後朝雲心斷客歸前
空期雨雪同車路不見風花造勝天
遙想絳幃正愁絕鈿蟬釵盒定何年

尙書遂寧張公以長句見示依韻奉和

化成久道

聖恩深奎宿光連五緯臨喜近元臣清似水
欣聞多士會如

林省闈地重仍三到

公一主京兆試再典禮闈有衡鑑三四之句余典文武會試亦迄今

而三棘院更嚴又屢沉旬月追隨共公事樹人同許百年

心